

Mentor på arbeidsplassen

Jobben gjev mange av oss ein stad å høyre til, arbeidskameratar og ein inntekt å leve av. Du kan glede deg til helg og til feriane, du kan leggje deg trøyt og ha noko å stå opp til. Du lærer stadig noko nytt, du høyrer til ein stad.

Ikkje alle kan søkje seg rett ut i ein ordinær jobb. Å trene på ein god arbeidsplass er den beste måten å kvalifisere til arbeid. For mange som har kome flyttande til Noreg og Sogn, er det å vere i arbeid den beste måte å lære norsk på.

Gjennom prosjektet *Sogn for alle* tilbyr Sogn regionråd eit mentorprogram for tilsette som gjev opplæring, oppfølging og støtte til nykomlingane på arbeidsplassen.

Kva? Me tilbyr opplæring til dei som tek i mot innvandrarar på arbeidsplassane. I programmet set me fokus på tema som rettleiing og kommunikasjon, kulturell variasjon, psykisk helse og arbeid og konflikthandtering. Deltakarane vil vere med å gje programmet form. Ved å melde på tilsette bidreg verksemda i Sogn regionråd sitt arbeid for integrering og inkludering.

Kven? Dette er for verksemder som tilbyr arbeidstrening eller har eit stort rekrutteringsbehov. Mentor er ein tilsett som ofte får ansvar for å ta i mot nyttilsette og deltakarar på arbeids- og språktrening. Dei er tett på og er ein kjentmann i høve arbeidsoppgåver og livet elles på arbeidsplassen. Dei gjev opplæring, oppfølging og støtte og er motivert for å lære meir om det å vere mentor.

Korleis? Mentorprogrammet består av fem samlingar i perioden oktober 2022 til mars 2023. Verksemda gjev dei tilsette fri for å delta og får tilbake kompetaseheving innanfor viktige fagområder.

Samlingane vert haldne i Sogndal og er gratis. Vestland fylkeskommune og Sogn regionråd finansierer programmet.



Interessert?

For meir informasjon kontakt prosjektleiar Jeanette Walsvik , tlf. 900 76 139.

Deltaking avklarast med næraste leiar.

Påmelding til jeanette.walsvik@sogndal.kommune.no

Før på namn, bedrift, e-post, telefonnummer og namn på leiar.